

magis remoto, epinoto abruptius truncato, petioli squama minus crassa, distinete latiore quam longiore agnoscenda. — L. $3\frac{1}{2}$ mm.

Insula Beliao, prope Berlinhafen; specimen unicum.

54. *Pachycondyla* (*Ectomomyrmex*) *acuta* n. sp.

Operaria. Fusco-nigra, mandibulis, scapi basi et apice, funiculo, trochanteribus, genibus, tibiis, tarsis anoque ferrugineis; opaca, abdome postice nitidore, pubescens et pilosa. Caput paulo longius quam latius, lateribus arcuatiss, occipite arcuatim emarginato, punctis pubigeris confluentibus confertissime sculptum, oculis mediocribus (ex stemmatibus circiter 30) a mandibularum articulatione spatio eorum diametro subæquali separatis, clypeo medio carinato, carina antice breviter, acute producta. Mandibulæ striatae et punctatae, margine masticatorio obliquo, 5 dentato. Antennæ seapo marginem occipitalem fere attingente, funiculo clavatim incrassato, articulo antennæ tertio circiter tam longo quam crasso, sequentibus sensim crassioribus, ultimo subcompresso. Thorax dorso continuo, sutura promesonotali distincta, meso-epinotali nulla scuto pleurali * mesothoracis separato. Pronoti convexi, haud marginati mesonotique sculptura ut capitis, sed paulo subtilior, punctis longitrorsum magis confluentibus; meso- et metapleuræ striato-rugosæ; epinotum rufius irregulariter rugosum, pagina declivi transverse striata, concava, margine acuto, crenato circumscripta. Petioli squama ut in *E. javano*, pagina postica longitrorum convexa, in dorsalem oblique transeunte, pagina antica transverse convessa, longitudinaliter concava, antice posticeque transversim striato-rugosa, superne minus regulariter rugosa. Segmentum abdominis secundum confertim longitrorum striato-rugosum et punctatum, tertium magis punctatum, segmenta postrema nitidissima, subtiliter punctata. Pedes pubescentes et parce tenuiter pilosi, metatarsus medii parvis brevis et margine externo aculeatus. — L. $5\frac{1}{2}$ —6 mm.

Poneræ insulanae MAYR proxima, et præcipue sculptura distinguenda.

Ex *Insula Tamara*.

55. *Pachycondyla* (*Pseudoponera*) *stigma* F.** var. *quadridentata*

F. Sm.

Operaria et foemina a speciminibus americanis squama petioli

Pars separata pleurarum mesothoracis in *Ectomomyrmicibus* et nonnullis aliis Ponerinis est pars inferior episternitis sicut alio opere demonstravi (Intorno al torace delle formiche; in: Bull. Soc. ent. ital. Anno 32. 1900, p. 103 et seq.). Genus *Ectomomyrmex* MAYRI generi *Pachycondylæ* ut subgenus subjiciendum censui.

** Generi *Poneræ* LATR. species tantum calcare lateralí (antico) destitutas adscribens, *P. stigma* aliasque in genus *Pachycondylam* sensu lato transferre opus fuit et subgenus novum pro ipsis instituere. De hoc et aliis circum partitionem generum *Poneræ* affinium in opere proxime typis publicandum amplius.